

docsvor 文川网
古藉书城
入駐商標
在文川网搜古藉书城 获取更多电子书

中國方志叢書·華中地方·第四九四號


據

清·孫治初輯，徐增重修
清康熙十一年刊本

影印

浙江省

武林靈隱寺誌



成文出版社有限公司印行



中國方志叢書·華中地方·第四九四號

據

清·孫治初輯，徐增重修
清康熙十一年刊本

影印

浙江省

武林靈隱寺誌



成文出版社有限公司印行



10101930

中華民國七十二年三月臺一版

武林靈隱寺誌

共二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

docsriver 文川网
入驻商家 古籍书城

在文川网搜索古籍书城 获取更多电子书

武林靈隱寺誌序

名山多有誌而作者殊難其
人非作者之難其人而名山
之難誌也蓋紀事務奇則怪
迂以濫耳標理猥弁則龐雜

以淆目而徑露寡聞者畏上
古如雷門好奇弔詭者視世
俗如蒙茸甚矣名山之難誌
而益以見作者之難其人也
予讀樵者誌靈隱十一卷雅

而不誣贍而有體其舉蹟也
雖幽隱不廢其述類也雖猥
近不遺斌斌乎置于古作者
之間又奚疑焉余生長武林
喜述舊聞卽如葛立之鶴林

玉露僧懷顯錢唐勝蹟傳牧
西湖古事周益公平園日記
牟應隆隆山樵記四水潛夫
武林舊事楊瑀山居新錄岳
珂程史劉孟熙霏屑錄葉子

奇草木子之類名不能盡述
而存者或寡樵者網羅無所
缺失按部就班入其中者如
玄圃西山侯鯖獺髓無以異
也又其逸氣雋句又如讀先

秦以上檀考公穀之書予驚
怖其言而無極也朕則具德
和尚重興靈隱功冠八紘道
光千載而斯誌直空前後其
不朽矣乎樵者爲誰子友孫

子宇台孫子之稱西山樵者
蓋其志也

峇

康熙二十一年歲次癸卯秋八月

嚴沆顥亭氏撰

子 子

子 子

序

樵者於樵之外無所事焉狀武林爲
佳山水而樵者又生長其間則安得
默狀而已耶具德禮和尚臨濟之大
宗匠也其以衆人之請而述至此也

蓋剪其蓬蒿而居之越十有三載而
琳宮梵宇煥狀而鼎新焉樵者樂山
林之寵榮又不可以無志雖狀靈隱
有志前此矣萬曆三年昌黎白氏之
所修者吾見之矣白氏爲志凡三易

稿而帝虎雜出年祀淆亂况以陋劣
如樵者哉雖朕以大師之靈竭樵之
志慮則於今昔記載或冀其有當於
萬一焉耳若以北方於楊銜之洛陽
伽藍則樵豈敢

康熙二年癸卯秋七月西山樵者孫

治撰

序

昔大聖人之立教垂世也皆有時節
因緣蓋不於前不於後適當其際因
時制宜之謂也釋迦老子說法四十
九年三百餘會始以因緣次以境智
終以般若解脫末後拈花此正法之

docsriver 文川网
入驻商家 古籍书城

在文川网搜索古籍书城 获取更多电子书

時節因緣也既而阿難結集鳩摩羅
什翻譯乃至康僧會之建塔梁武帝
之懺法此象法之時節因緣也是時
講席彌天法師爭立妙論徂于文字
達磨從西天來直提正令掃盡見聞
此祖師之時節因緣也今已在末法

中矣興末法之聖人豈尚有待歟蒼
生困苦已深末法之聖人其心不知
若何汲汲而無如時節因緣之未至
也震旦自孔子述經後五六百年聖
教漸遠司馬遷本太史公以成史記
于是班固從而做之輯前漢一代事

蹟而爲書自此而降代各一書故有
二十一史之稱史記中列八書前漢
書乃變而爲十誌後世人又倣之于
是郡縣有誌寺亦有誌此武林靈隱
寺誌所由來也靈隱寺誌最初者已
不可得見所得見者白誌與孫誌耳

白子佩氏爲易菴大師修誌在明萬曆壬辰孫宇台氏爲具德和尚修誌在

大清康熙癸卯九年冬余過靈隱時晦山和尚住持屬余重修之鄭夾漈嘗有言誌者憲章之所賴非深于典故

者不能江文通亦云修史之難莫過
于誌吾輩不諳法門事則修寺誌不
尤難乎史遷謂之整齊故事一似易
之此在子長則狀後漢而下正以整
齊爲難耳余幼嘗侍教于大君子矣
習其緒論今余已六十衰遲自棄從

不敢身預其事茲旣已有人整齊之
而余何必復修之修之而余不辭者
蓋有故焉聖歎嘗言之適幸作得一
篇文字可惜早間欲作而爲他事所
奪失却一篇文字假今不作明日作
當更另有一篇文字此深知時節因

緣之道者也是故在易菴時有易菴
時之靈隱誌書在具和尚時有具和
尚時之靈隱誌書在晦和尚時又有
晦和尚時之靈隱誌書時節因緣先
後固不得相假也雖狀人各有心各
如其面用我之手握我之筆發抒我

之意以爲我所修之誌各求其當
遑計修誌之前有其人焉不敢與之
或
有異同又遑計吾誌修之後有其人
焉與我絕不異同也卽我旣修之後
屬我重修我亦不能必其無異同焉
我總聽之于時節因緣而已矣

康熙十年歲在辛亥夏六月望日吳
門徐增子能氏書于靈隱寺面

壁軒



序

方內名山祖席琳宮莫不有誌一以
顯山川名勝二以表興創功勛次則
人物雄奇宮殿瑰麗畋漁舊聞搜羅
怪異建置沿革之由再造中興之績
莫不綺綰繡錯織毫備載顧以天下

靈山區中名勝獨可以無誌乎又况
靈隱以一百餘代禪祖之後其中或
開創或重興或建功業幾條或置殿
堂幾帶功業難泯莫不表揚獨

先師具德老人荼瘁二十餘年舉全
座靈山尺寸而鼎興之從外至內殿

閣巍峩堂寮鱗砌佛像嚴麗金碧輝
煌隨一殿一堂一房一舍一樓一閣
皆一手擎出脫體斬新雖曰重興實
同開創又可以無誌乎有誌也唐宋
以來舊誌有無不可得考所見者白
珩子佩氏之誌而已白誌太略又用

docsriver 文川网
入驻商家 古籍书城

在文川网搜索古籍书城 获取更多电子书

筆近俚蒐討未備不成佳書先師重建靈隱之後又有誌矣則吾友孫宇台社翁之筆也宇台於先師重建功業極力發揮已十有六七獨於靈隱名勝開章發刃辯論太多紆迴曲折幾成辯駁山水之書似乖傳信先師

臨上雙徑手是編親授顯囑以校讐
付刻戒顯一覽覺多所未安適吾吳
門故友徐子能氏惠顧冷泉余乃篤
留館之丈室初屬塗抹拙集次舉白
孫二誌力求典竄子能乃焚膏繼晷
盡力校讐研磨禿盡管城坐穿臯比